

Bellu Sognu

Sò in pratu di fenu tal'u mare terranu
Lu ventu face sciuma ch'accarezza la manu
Sò pescadore d'orzu in le foce verdigne
U filanciu sghiglia in l'aria sanguine

Smariscenu li grigi cù le boghe castagnine
Le foglie russiscenu à l'ore ultruine
Appaghju cù le teghje li so panni russini
Tira una tretta nu li valli li pini

Bellu sognu, bellu sognu, bellu sognu...

Nant'a lu faiu zembu s'arrembanu li fiocchi
E le meie le stese s'inventanu li ghjocchi
L'ellera rampighendu pè lu sgiò catellurcu
Spiega a la mosca ceca l'aria d'un ballu turcu

Sopra la rena bianca d'ogni petra vergina
Mezu a i fiori tronchi chè l'omu calcica
Splende lu mio reame di suveru di baina
Accantu a l'olmu grande chè lu tempu smentica

Una fata nutulone voga à l'alba calinda
Un topu inghjularinu tessa folle d'acqua linda
Un acellu chì pinghje lu muscu di lu tonu
Australe so le rive in lu mio bellu sognu.

Bellu sognu, bellu sognu, bellu sognu...